

دائرة مخصوصه

درسمادنده باب عالی جوارارنده

مجل اداره :

مشرط القیم

۱۳۲۶

اخطار :

مسلكمزه موافق آثار جدیده مع المنوبه
قبول اورانور

درج ایدیه بن آثار اعاده اولناز

دیده، فلسفه، علوم، حقوق، ادبیات و سیاسیات و بالخاصه کرب سیاسی و کرب اجتماعی و مدنی احوال و مشنونه اسلامیه در بحث ایدر و هفته در نشر انور.

آبونه بدلی

سنه لکی التي آیلنی

ممالک عثمانیه ایچون	۸۰	۴۰	غروش
روسیه	»	۶۰۰	روبله
سائر ممالک اجنبیه	»	۱۷	فرانق

صاحب و مؤسسلری :

ابوالعلا زین العابدین - ح . اشرف ادیب

تاریخ تأسیسی

۱۰ تموز ۳۲۴

درسمادنده نسخه سی ۵۰ پاره در

قیرله دن مقوا بورو ایله کوندریلیرسه سنوی
۲۰ غروش فضله آلنیر

دردنجی جلد

۱۱ ربیع الآخر ۳۲۸ پنجشنبه ۸ نیسان ۳۲۶

عدد : ۸۵

نه او مهری بوزوب قوبارمق واقع اولدی . نهده اشاعه وقوع بولدی . قلب کریم محمدی به ایداع اولنان اسراری انک اوزرینه جبریل طرفندن باصیلان خاتم حفظ ایلدی . و بو جهته نه او خاتم بوزولوب قوبارلدی نهده او اسرار احاطه اولنه رق تمامیه اشاعه ایلدی .



حلیمة سعیدیه دیدی که رسول اکرمی ممدن کسمکسکم اوزرینه ایکی ویا اوچ ماه کچمش اولدینی بر کون سوت قرنداشیله اوبه لر مزک ارقه سنده ایکن برده قرنداشی سکرته رک کلدی وقرشی قرنداشمک یاننه بیاض روبه لی ایکی آدم کلوب کندوسنی یاتوردیلر وقارنی یاردیلر دیدی بنمله سوت پدری همان رسول اکرمک بولندینی جهته طوغری سکرته رک . ایاقده لونی متغیر بر حالده بولدی . سوت پدری رسول اکرمک بویننه صاریلوب اوغلم سسکانه اولدی دیه صورددقه یاننه بیاض روبه لی ایکی کشی کلوب کندیسنی یره یاتوره رق قارنی یاردقارنی وایچندن برشی چیقاروب آتقدن صکره حال سابقه ارجاع ایتدکلرینی سویلسیله الوب کتوردک . بونک اوزرینه سوت پدری دیدی که حلیمه : کرکی کبی قورقدم بو اوغلمه بر شی اصابت ایتش اولسون هایدی قالق قورقدیغمز حال ظهور ایتدمن انی ولسنه اعاده ایدلم بو ملاحظه به مبنی رسول اکرمی یوکه نوب والده سنه کوتوردک والده سی نیچون اعاده ایتدی کمزی سؤال ایتدی . وسینی بیان ایتدکلکمز ایچون بک اصرار ایلدی . بزده وقعه بی اولدینی کبی حکایه ایدنجبه [سز انی جنمی چارپدی دیه قورقدیکمز خایر خایر انی جن چاربه ماز . بو حادثه اوغلم ایچون بر شان عظیم وقوع بوله جفنه دلالت ایدیور . انی بوراده براقیکمز] دیدی .

بیانه اعراب و لغات

[اسرار] مفعول وضمیر قلبه راجع . [الختام] فاعل . ختام : کتاب وزنده مهرله مک معناسنه . مصدر اولدینی کبی مهر معناسنه اسم دخی اولور . بوراده ایکنجی معنایه در . [الفض] فانک فتخی وصادک تشدیدیه مکتوبک مهرینی بوزوب قوبارمق معناسنه در . ضاده مشدده قسماً مصراع اولده قسماً مصراع ثانیده واقع اولغله مکرر نقش اولمشدر . [ملم] المامدن اسم فاعل و بوراده واقع معناسنه در . [الافضاء] همزه نک کسریله اشاعه معناسنه در . قلب کریم محمدی به ایداع اولنان اسرارک بعضی فاش وشائع اولدیغندن اثنای شرحده اشارت ایدلیدی اوزره اشاعة اسرارک عدم وقوعیه اسرارک عدم احاطه سی مراد در .

[بقیه سی وار] برکت زاده اسماعیل صفی

اسکی خاطره لر

سوکیلی قاره لر مزک چونی تخطر ایده جکدرکه بوندن اون سنه اولکی اقدام جریده سنک ستونلرنده محیط المعارف عنوان مهیبه آلتنده امضاسز ، لیکن غایت مهم لسان مقاله لر کورولوردی . مملکتک بوتون او قور یازار طاقنی حیران ایده جک قدر درین برووقوف ایله یورودولن اومطالعهلر ، هله اسپارطه لی حق ایله بی

قلبه متعلق اولان لطیفه ربانیه به که محل اسراردر فؤاد دینور . ولسانمزه اندن کوکل تعبیر اولنور . بوینته قلب یورک معناسنه مستعملدر [مضغه] میمک ضعی وصادک سکونیه برچینکم اته دینور . روایت صحیحیه کوره قلب انور محمدیدن سیاه ایکی علقه اخراج ایدلش اولدیغندن کلام ناظمده دخی مضغه ایله علقه تعبیر اولنان شی مراد اولدیغنه وعلقه ایلده جنس علقه مقصود اولسنه مبنی ناظم حضرتلرینک تعبیری اوروايته منافی دکلددر .

علقه : عینک ولامک فتحه لرله برکسیم اویشیق قانه دینور . [غده غساره] اخراج نک ظرفیدر . غسل : غینک فتخی وضمیله ییقامق معناسنه در . [سوداء] مضغه نک صفی واسودک مؤثی در . اسود : سیاه شیئه دینور .

ختمته یعنی الامین وقد او

دع مالم تدع له انباء

جبریل امینک صاغ الی انی مهرله دی ونبأ و خبرلرک اشاعه ایتدیکی شی اکا ایداع اولندی . قلب انور محمدی شق اولنوب غسل و تطهیر ایدلدکن صکره امین وحی جبریل علیه السلام محل شقه الی سورمسيله التثام پذیر اولوب حال سابقنی بولدی . وقلب شریف محمدی شق اولندینی ائنه اکا اول قدر ایمان ، حکمت ، علوم ، اسرار تودیع اولندی که خبر وپیاملر بونی بر تفصیل نشر و اشاعه ایده مدی . الحاصل حالت شق صدرده قلب کریم احمدی به تودیع اولنان حکم و اسرارک تفصیلاتی معلوم اولمادی او حکم و اسرارک تفصیلاتی جنساب حقدن ماعدا هیچ بر فردک علمی احاطه ایتدیکنندن خبر وپیاملر او تفصیلاتی نشر و اشاعه ایده مدی .

بیانه اعراب و لغات

[ختمته] مهرله مک معناسنه اولان ختمدن ماضی وضمیر منصوب بیت سابقده کی [شق] نک مصدری بولنان شقه راجعدر . شقک برنجی دفعه سنده کی ختم ایله مراد شق التثام ایتدیرمکده در .

[یعنی] فاعل و صاغ جانب معناسنه اولان امینک مؤثی در ، تأنیثی موصوف محذوفی اولان [ید] اعتباریه در . صاغ اله : بشری وزنده « یدینی » وصول اله : ینه بشری وزنده « یدیری » تعبیر اولنور . [الامین] یعنی نک مضاف الیهی در . امین غدر و خیانت نقیصه سندن مأمون معناسنجه صفتدر و موصوف محذوفی جبریل علیه السلامدر . جبریل علیه السلام کتب ووحی الیه اوزرینه مأمون اولدیغندن بو صفت ایله توصیف اولنور .

[وقد اودع] جمله سی [وقد اودع ذلك القلب حال الشق] تقدیرنده اوله رق حالیه در .

اودع : ایداعدن ماضی مجهول . ایداع : برشیء برکیمسه نک یاننده امانت قومقدر . [ما] نائب فاعل و ایمان و حکمت و علوم و اسراره متدائر اشیادن عبارتدر . [لم تدع] تانک ضعی و ذالک کسریله جحد مطلق . اذاعه : همزه نک کسریله سری فاش وشائع قلمقدر . خبر وپیاملر قلب مجلای محمدی به ایداع اولنان حکم و سراری اجمالاً اشاعه ایتش اولدینی جهته نفی اول حکم و سرارک تفصیلی اعتباریه در .

[له] ده لام زائددر وضمیر [ما] به راجع مفعولدر . [انباء] فاعل ونبأ لفظنک جمی در . خبر و اخبار کبی . نبأ : خبر صادق اطلاق اولندیغندن مطلق خبردن اخصددر .

صان اسرارده الختام فلا الفض

ض ملم به ولا الا فضاء

او مهر قلبک اسرارینی حفظ وصیانت ایتدی ، بو سبب ایله

التفات کورسه ایدم آلت طرفی قولای اولوردی .

— بنی ده کوروشدیرمیدک ؟

— های های

— او حالده ایشک بوتون مشکلاتی دوشونه رک جسارتسنزلمده

بر آن اول چاره سینه باق . .

— عجله ایتمه ! بوکی تشبثلر بنی خیلی دوشوندورر . چونکه

جانم یاندی : فضلنه ، کالنه حرمة کیمک یانه صوقولوق ایسته دمه

یا ایصیردی ، یاتبدی ! بزم مملکتک او قومشاری - حکمت خدا -

بوتون خویلی اولیور !

— کوه زملکی براق ! دیدیکک ایصیرغان فطرتلی مخلوقلری

بیلورم . قباحث سنده که خیر او میورسک ده اولیه حریفلرک مجلسنه

کیدییورسک . اونلرده ذاتاً کمال نامنه ، فضیلت نامنه چوق برشی

اولدینغی ایچون ماهیت عاجزه لرینی کوسترمه مک مقصدیه خشین بر

ردای جبروته بورونیورلر . امراللهی بر انسان کامل کوره جککدن

امین اول . باقسهک آغایه مقصدینه طوغرو نه محکم بر عزم ایله

یورویور ! صاغدن ، صولدن یوکسلمه یه چابالایان تزییف ، استهزا ،

تجهیل کورولتولرینه قولاق بیله آصمیور ، جهله جماعته قارشی

سیای صاف آثارنده برچین اشمئزاز ، یاخود بر خنده استخفاف

اولسون ، کورویور .

حق بنی ایجه قاندردی . همان او هفته ایچنده بیلی پی پیرتی پی ،

چولوغی ، چوجوغی یوکلنه رک ماقری کویه طاشیندم . اولا بابان

زاده اسماعیل حق ، صوکره خلیل ادیب ، مخلص بکله مراجعت

ایدرک امرالله بنی توصیه ایتلرینی ، آره صیره حریم عرفانه قبول

اولمقلغمی رجا ایللرینی سویلدم . نهایت حضرتک هیچ کیسه دن

التفاتنی دریغ ایتیز برفاضل دریا دل اولدینغه دأر بوسایدینغ آرقداشلریمک

هپسندن تأمینات آلدقندن صکره برکیجه مخلص بکک أونده کیندیسنه

ملاق اولدم .

فی الحقیقه امرالله افندی بنی بر آشنای قدیم کی غایت تکلفسز

قبول ایتدی . برنجی دفعه اوله رق کیردیکم او مجلس مهیب عرفان

او کیجه بنی خیلی صیقیدیسده فطرتی ده معلوماتی قدر یوکسک اولان

او بویوک آدم بکا اولیه صمیمی ، اولیه جان آشنا خطابلر توجیه

ایتدی که کیمک قارشیسینده اولدینغی اونوقت درجه لرینه کله رک

آره صیره سوزه قارشیمایه بیله باشلادم .

او کونلرده ایسه زوالی امرالله نکبتک ، خسراک سافل

درکاتنده جالقانوب طور یوردی : ا کالنه بیک جان ایله چالیش-دینغی

(محیط المعارف) اصحاب خیردن برینک همتیله قاپادلمش ؛ اثرک طبعی

درعه ده ایدن احمد جودت افدینک آلدینغی تضمیناتدن ده بوزواللینک

حصه آورده سنه اجرت تحریر اوله رق یالکوز حسبی مساعیدینک

اجر مغنویسی دوشمش ایدی !

لکن او متین آدم ینه یاسه دوشمیور ، ینه آتی ایچون برچوق

امیدلر ، برچوق خیاللر بسلیوب طور یوردی .

آلیقلاشدیرمشدی ! چونکه اووقته قدر حق بی نه زمان کورسه م

یادبیات منقبه لری دیکله تیر ، یاخود لسان مباحثی دیکلردم . بعضاً

ادیبکی اوکا ویره رک ، لسان علمالغنی کندی حصه مه براقیدینغده

اولوردی . معلومات ادبیه مزک حدودی شرقاً فضولیده ، غرباً

لامارینه قرار قیلدینغی کی ، تدقیقات لسانیه نامنه ایلری سوردیکمز

بخلرده مدخل قواعد ایله محدود ایدی .

فقط بز بوطار ساحه نک یالکوز سطحینده دولاشمازدق که ! . . .

بیلسه کر نه تعمیقات ، نه تدقیقات اجرا ایدرک ! اوبکا اضافت

لامیه ایله اضافت بیانیه آره سنده کی بیجاق صیرتی قدر فرقی ، اوسطوردنک

کسکین طرفندن چوق ده اینجلته رک ، آکلاتمایه چالیشیردی ؛

بن اوکا وصف ترکییلرک عددینی درتله ، اوله تقید ایتک علم شریفه

قارشی برنوع تضیق اوله جفنی قبول ایتدیرمکه اوغراشیردم ! املا

مسئله سینه کلنجه ایکیمزده ، کندی اصابتنه ایمان ایتش ، آیری آیری

برر مجتهد ایدک . . .

حیفاکه دمن سویله دیکم مقاله لر میدانه چیقویرنجه بزم مطالعاتک

کافه سی صو کورمش تیم کی حکمدن ساقط اولدی ! کندی عالمزده

بک اعلا بر لسان علماسی کچینر طور ورکن هیچلکمزی یوزیمزه

چاربان ؛ فلسفه لسانک نه اولدینغی برنجی دفعه اوله رق ایضاح ایدن

بوعظمتلی مباحث کیمک طرفندن یازیلیور ، دیه مراق ایتدک . امرالله

افدینک محصل اجتهادی اولدینغی آکلا نیجه ، عن الغیاب مشتاق

اولدینغی اوسمای حکمت و عرفانی کورمک املنه دوشدک .

کرچک ، اوصره ده اقدامک پارس مخابرلکی ایدن علی کمال

بککده لسانه دأر ملاحظاتی کورلمشدی . لکن طوغروسنی ایستره کر

بریکی مقاله لرک یاننده اونلر متین برر ملاحظه دک ، آچیقندن آچیه

برر ملاحظه سزلق ایدی : تاپارسدن اوشمه دن استانبوله قدر کوندریلن

قوجه بر مقاله نک ارباب مطالعه یه او کرتمک ایستدیکی حقایق عمیق

(ده) اداتی ظرف ایچون کلز سه عاطفه اولور ؛ بناء علیه آیری یازمالیدر .

(معیوب) کله سی یاکلیدشدر ؛ (؟) بونک یرینه فصیحی اولان (معیوب)

لفظی قوللانمالیدر . . . کی خیر خواهانه بر طاقم اخطاراتدن عبارت

قالیوردی !

مع مافیة علی کمال بک تلقین ایتک ایستدیکی حقائق بویه عربان

برقیافله کوسترمیور ، اولیه تلله یور ، اولیه بولایوردی که انسانک

وهله نیم علمی بر مقاله دیه جکی کایوردی .

یالکوز امراللهک بزی بیتیرن اولبند محاکات عالمانه سی اوزینه علی

کمال بکک مقاله سی یورکزه صوسرمدی ، دیه جک اولورسه م حقیقی

صافلامش اولورم . البلیة اذا عمت طابت .

حق دیدی که :

— امرالله افندی ایله کورشمه نک بریولی بولسه ق . . .

— ای اولور اما نصل ایدرز ؟ بیوک آدملره صوقولوق بنم

ایچون بک زوردر . حضرتی طانیان بر ذات ینه حضرتک مساعده سی

آلدقندن صوکره بنی یانه کوتورسه ایدی ؛ بنده او ایلک ملاقاتده

بوملاقات ایکی اوج دفعه تکرارایتدکن صوکره اسپارطه لی حقیدن باشلایه رق بوتون سودکاری می ، کعبه . حاجی طاشیان دلیلر کی ، امراللهک اوینه کوتورمه یه باشلادم . چوق دفعه لرولی افندی چایزنده ، چوبان چشمه قیرنده ، یاخود دها ایچروده عقد ایتدیکمز انجمنلر الله بیلیر آ انظار تجسی قاناشدیره حق قدر پارلاق اولوردی .

حالك مهالکینی همزدن اینی کوردیکی ایچون آتی یی همزدن فنا تخیل ایتسی ایجاب ایدن قوجه امراللهک توکلی ، فقط متمادی بر سى ، متزاید برعزم ایله برابر کیدن توکلی کوردیکه حقنده کی حسیات و داد و حرمتنه منتها تصور ایله میوردم .

آرددن سنه لر کچدی . بر کون حضرتی پک بشوش کوردم : مکر قونیده آجیله حق مکتب حقوق مدیریته تعیین ایدلش ایتش . عون حقله اوراده برلمه معرفت او یاندیره بیلسهک ... دیوردی . برهفته صوکره ، قونیده بولنسی ایجاب ایدن امراللهی ینه استانبوله کورنجه نه اولدی ؟ کیتمدیکزمی ؟ دیدم .

— کیتدم ده کلدم ! خیاللر بر اقادیلرکه ! نه قدرده شوق وار ایدی ! خصوصیه حکومتک ، مملکتک ایلری کلنلری بنی پک کوزل قبول ایتشلردی . بویوک بویوک ایشلر کوره جکمه عادتاً یقین حاصل ایلش ایدم .. نه یاهلم ، الحکم لله ! براز دها بکلرز

زوالی امرالله ینه متانتنه صاحب ایدی ! بووقعه دن تخمیناً بر بوچوق سنه قدر صوکره ایدی که حضرته سلطان احمد باغچه سنده تصادف ایتش ایدم . او کونده فردای حریته مصادف جمعه ایرتسی کونی ایدی . بیچاره فرط سرورندن عصی برنوبت کچیرمش اولملی که آرقداشلری کنديسنه قوردیال ایچیرمه یه چالیشیورلر ایدی :

او کونه قدر نشاط ایله ، انبساط ایله یاقیندن معارفه سی اولمایان امراللهک قلبی او کون ضیای سعادتک افقلری لبریز ایدن تجلی نورانوری قارشیدسنده غشی اولمش ده ، ظن ایدرم ، عمرنده برنجی دفعه اوله رق متانتی غائب ایتش ایدی ...

استانبول غزته لرینک شو کونلرده مکتب سلطانی مسئله سنی بهانه ایدرک ناحق یره معارف نظارتنه ، دولایسیله ناظره هجوم ایله ملری بوتون بوخاطرات ماضیه نک بربر جانلارمانسه ، اوخاطره لرک سینه سنده صاقلامق ایستدیکم امیدسزلکاریمک ، جسارنسزلکاریمک بکیدن آیاقلانماسنه سبب اولدی .

معاصرلری طرفدن تکفیر ایدیان حکیم شهر ابن سینانک « دنیا ده بنم کی برمسلمان وار ؛ اوده کافر ایسه هیچ مسلمان یوق دیمکدر ! » دیدیکی کی بوتون بر عمری معارفک نشرینه ، اعلاسنه وسائط احضاریله کچن امرالله حاضرده کی بر مؤسسه معرفتی تخریب ایله اتهام اولنه جقسه نجه مملکتی سون ، مملکتک تعالی عرفانه چالیشان آدم یوق دیمکدر !

مشروطیت بزه غایت آجی بر حقیقت اوکرتدی که اوده وطنمزه

هرمناسیه بویوک آدمک یوق دینه جک قدر اندر بولنسیدر . اولجه « آت وار ، میدان یوق ! » دییه کنديمزی آلداتیوردق ، او یالیوردق . بوکونده عینی خلیله قاییه جقمی یز ؟ تدقیق خبره ، تعمیق نظره حاجت کورمکسزین ، امرالله کی کنديسندن بو قدر خدمتلر بکله دیکمز بر آدمی استعجالمزه قربان ایده جکمی یز ؟ بزدها نه زمانه قدر حسیاته قابلقده دوام ایدوب طوره جغز ؟ غریبی نره سی ، مسئله نک ماهیتی آ کلاتدیغکز آملرده « اینی اما مثلاً فلان غزته بویله یازمیور ! » دییورلر . صانکه سزه اینا میورلرده او فلان غزته یه اینانیورلر ! الله جمله مزه انصاف ویرسین .

محمد عاکف

قطعه

بر رسمک آرقه سنه یازلش ایدی :

ظل زائلدر باقلسه دیده امعان ایله
رونمای صورت هستی اولان لوح شهود
خرده بین عتل و حکمتله باقان صاحب نظر
آلدانوب بو صورت موهومه یه ویرمز وجود

فرید



فلسفه حیات

یاخود اثبات واجب

منشأ حیات

فرانسه نک فن آقادیاسی اعضاسندن و دارالفنونک فن شعبه سی فیزیولوژی معلمی (داستر) بر قاج سنه اول نشر ایتدیکی (حیات و ممات) عنوانی کتابنده مادیون مسلك اخیرینه دائر غایت مهم دلائل و براهین جمع و بسط ایلشدر .

صوریون معلمنک دلائلی تنقید و تدقیق ایتک ایچون بونظریه یی صوکره استحکانه قدر تعقیب ایتمککمز لازمدر . فن کوستیریورکه بتون ذوی الحیاتک وجودی اساساً پروتوبلاسمان تشکل ایتش و بر ویا بر جوق هجراتدن ترکب ایلشدر . معلم (داستر) دخی علامت حیاتیه نک انحقق عضو ایتش ونوملی هجره شکلی اکتساب ایلش پروتوبلاسماده مشاهدده اولنه بیله جکینی بیلدیکندن دییورکه : اگر بوقوانین مطلق اولسه ایدی ؛ اگر حیات ، هجره شکلنده اولان آلومینی پروتوبلاسمان بشقه شیده بولنماسه یدی ماده نک حیاتی La vie de la matière مسئله سی عکسنه اولق اوزره حل ایدلش اوله جقدی .

بعده بوقوانینک صفت مطلقه سنی ضعفه دوچار ایتک ایچون شو استثنایی درمیان ایدیور : « خزع حجروی Mrotomie تجربه لری جسم حجروی ونوه نک موجودیتی یعنی هجره نک تمامیتی لزومی بیلدیریور .